

Visoki predstavnik Valentin Inzko posjetio SIPA-u



Izjava visokog predstavnika Valentina Inzka nakon sastanka sa direktorom Državne agencije za istrage i zaštitu (SIPA) Goranom Zubcem:

Iznimno mi je drago da sam danas u posjetu SIPA-i i veoma sam ohrabren entuzijazmom i vodstvom koje iskazuje direktor Zubac.

Još su impresivniji konkretni rezultati rada SIPA-e.

Svi znamo da djela govore glasnije od riječi, i mislim da kriminalci jasno čuju poruku.

Podržavam prioritete koje je sebi postavila SIPA – borba protiv organiziranog kriminala, korupcije i terorizma. Bosna i Hercegovina se, kao i sve zemlje, suočava sa ovim prijetnjama i borba protiv ovih opasnih vidova kriminala mora biti beskompromisna.

Direktor Zubac me informirao o operaciji „Lutka“ i ja čvrsto podupirem upravo ovakav oblik zajedničkog djelovanja više agencija – uključivši policiju RS-a, Kantona Sarajevo i Distrikta Brčko – pod vještim vodstvom SIPA-e.

Direktor Zubac mi je rekao da kriminalci uvijek trebaju biti na oprezu jer ih stalno vreba dugačka ruka SIPA-e. Građani ove zemlje to zaslužuju i ja želim da izrazim potporu naporima koje SIPA ulaže u jačanje vladavine prava i osiguranje bolje i sigurnije budućnosti za sve ljude u BiH.

Galerija slika:

